



SURAT EDARAN PENTADBIRAN
BILANGAN 26 TAHUN 2012

**PERINGATAN BERHUBUNG KENYATAAN UMUM
BERKAITAN KEMENTERIAN PENGAJIAN TINGGI
DALAM MEDIA SOSIAL MILIK PERIBADI STAF
UNIVERSITI TEKNIKAL MALAYSIA MELAKA**

Pejabat Pendaftar
27 Disember 2012

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Pegawai-Pegawai Kanan

SURAT EDARAN PENTADBIRAN BIL. 26/2012

PERINGATAN BERHUBUNG KENYATAAN UMUM BERKAITAN KEMENTERIAN PENGAJIAN TINGGI DALAM MEDIA SOSIAL MILIK PERIBADI STAF UNIVERSITI TEKNIKAL MALAYSIA MELAKA

Surat Edaran Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka mengenai peringatan berhubung kenyataan umum berkaitan Kementerian Pengajian Tinggi (KPT) dan Universiti dalam media sosial milik peribadi.

2. Untuk makluman, Kementerian Pengajian Tinggi telah mengeluarkan peringatan mengenai penyalahgunaan media yang boleh mencemarkan nama baik KPT. Perkara ini diketengahkan rentetan penggunaan pelbagai media sosial seperti *Facebook* dan *Twitter* sebagai salah satu medium perhubungan utama dan penyaluran maklumat kepada warga, orang ramai dan juga pelanggan. Disebabkan oleh perkembangan semasa dan penggunaan media sosial yang bebas dan kurang kawalan, terdapat warga KPT yang menyalahgunakan media tersebut yang mana boleh mencemarkan nama baik KPT.

3. Sehubungan dengan itu, semua staf Universiti adalah diingatkan agar lebih berhati-hati dalam mengeluarkan kenyataan atau maklumat berkenaan KPT mahupun Universiti bagi mengelakkan daripada dikenakan tindakan berdasarkan kepada Peraturan-Peraturan Pegawai Awam (Kelakuan dan Tatatertib) 1993/P.U.(A) 395 dan Akta Badan-Badan Berkanun (Tatatertib dan Surcaj) 2000 adalah peraturan-peraturan yang mengawal kesemua tata kelakuan pegawai awam dan badan berkanun sama ada dalam bentuk perbuatan, lisan atau bertulis (termasuk pernyataan umum dalam media sosial milik peribadi).

4. Semua staf juga dipohon untuk mengambil perhatian kepada Peraturan 4(2)d, Peraturan-Peraturan Pegawai Awam (Kelakuan dan Tatatertib) 1993/P.U.(A) 395 dan Peraturan 3(2)d, Akta Badan-Badan Berkanun (Tatatertib dan Surcaj) 2000 yang jelas menyatakan bahawa pegawai awam tidak boleh berkelakuan sehingga memburukkan atau mencemarkan nama perkhidmatan awam. Pelanggaran peraturan-peraturan di atas boleh menyebabkan tindakan tatatertib diambil.

5. Surat Edaran Pentadbiran ini berkuat kuasa serta-merta.
Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/ukp